

Na osnovu člana 15. Zakona o izmjenama i dopunama Zaka- na o unutrašnjim poslovima Kantona Sarajevo ("Službene novine Kantona Sarajevo", broj 14/2000) i člana 37. stav 4. alineja 3. Poslovnika Skupštine Kantona Sarajevo - prečišćeni tekst ("Službene novine Kantona Sarajevo", broj 6/2000), Zakonodavno-pravna komisija Skupštine Kantona Sarajevo, na sjednici od 24. oktobra 2000. godine, utvrdila je prečišćeni tekst Zakona o unutrašnjim poslovima Kantona Sarajevo.

Prečišćeni tekst Zakona o unutrašnjim poslovima Kantona Sarajevo, obuhvata:

Zakon o unutrašnjim poslovima Kantona Sarajevo ("Službene novine Kantona Sarajevo", broj 9/96),

Zakon o izmjenama i dopunama Zakona o unutrašnjim poslovima Kantona Sarajevo ("Službene novine Kantona Sarajevo", broj 13/99),

Zakon o izmjenama i dopunama Zakona o unutrašnjim poslovima Kantona Sarajevo ("Službene novine Kantona Sarajevo", broj 14/2000) u kojima je označen dan stupanja na snagu tih zakona.

Broj 01-05-315/00 24. oktobra 2000. godine Sarajevo

Predsjednik Zakonodavno-pravne komisije Avdo Čampara, s. r.

- ❖ **bold** - *izmjene urađene u skladu sa izmenama objavljenim u "Sl. novinama Kantona Sarajevo", broj 15 / 02 i 18 / 02.*
- ❖ **italic** - *izmjene urađene u skladu sa izmenama objavljenim u "Sl. novinama Kantona Sarajevo", broj 28 / 02.*

ZAKON

O UNUTRAŠNJIM POSLOVIMA KANTONA SARAJEVO (PREČIŠĆENI TEKST)

I - OPĆE ODREDBE

Član 1.

Ovim zakonom se, uređuju unutrašnji poslovi iz nadležnosti Kantona Sarajevo (u daljem tekstu: Kanton) i organizacija i nadležnost Ministarstva unutrašnjih poslova Kantona Sarajevo (u daljem tekstu: Ministarstvo), rukovođenje Ministarstvom, način vršenja poslova policije, dužnosti i prava ovlaštenih službenih lica, media, i saradnja Ministarstvu sa Ministarstvom unutrašnjih poslova Federacije Bosne i Hercegovine (u daljem tekstu: Federalno ministarstvo), ministarstvima unutrašnjih poslova drugih kantona i općina, radni odnosi, disciplinska odgovornost i stručno osposobljavanje i usavršavanje službenika Ministarstva, kao i druga pitanja od značaja za ostvarivanje funkcije Kantona u oblasti unutrašnjih poslova.

Član 2.

Unutrašnji poslovi iz nadležnosti Kantona su:

1. Provodenje Ustava i zakona Kantona, Federacije Bosne i Hercegovine (u daljem tekstu: Federacija) i Bosne i Hercegovine u pitanjima unutrašnjih poslova;
2. Poslovi i zadaci policije, osim poslova koji su u nadležnosti policije Federacije;
3. Poslovi i zadaci policije koje Ministarstvu povjeri Federalno ministarstvo;
4. Osiguranje određenih ličnosti Kantona;
5. *Poslovi i zadaci u vezi sa : nabavkom, posjedovanjem i nošenjem oružja i municije;*
6. *Poslovi i zadaci u vezi sa : održavanjem javnih skupova, ličnim kartama, ličnim imenima, prijavama prebivališta i boravišta, jedinstvenim matičnim brojem građana, matičnom knjigom rođenih, vjenčanih i umrlih, registracijom motornih vozila, vozačkim ispitima i izдавanjem vozačkih dozvola, i kretanjem i boravkom stranaca i izdavanjem putnih isprava.*

Član 3.

Unutrašnje poslove iz člana 2. ovog zakona na teritoriji Kantona vrši Ministarstvo.

Nakon konstituiranja Državnog distrikta i donošenja odgovarajućih propisa, odredba iz stava 1. ovog člana neće se primjenjivati na teritoriji Distrikta.

Član 4.

građani, preduzeća i druga pravna lica obavezni su da postupe po naređenjima koja Ministarstvo i ovlaštena službena lica Ministarstva izdaju na osnovu zakonskih ovlaštenja.

Član 5.

Poslove koji se odnose na posebno osiguranje određenih ličnosti Kantona vrši Ministarstvo neposredno.

Vlada Kantona Sarajevo određuje koje ličnosti iz nadležnosti Kantona se posebno osiguravaju a na koji način će ta zaštita biti pružena odlučuje komesar policije, izuzev na teritoriju Državnog distrikta nakon njegovog konstituiranja.

Član 6.

Ovlaštena službena lica, dužni su da u vršenju poslova i zadataka čuvaju život ljudi i ljudsko dostojanstvo i mogu primjenjivati samo zakonom predviđene mjere prinude, kojima se sa najmanje štetnih posljedica postiže izvršenje posla i zadatka.

Član 7.

U slučaju kada je Ministarstvu povjereno vršenje poslova iz nadležnosti Federacije i u vršenju poslova i zajedničke nadležnosti Kantona i Federacije, Ministarstvo neposredno primjenjuje zakone i druge propise koji su obavezujući u cijeloj Federaciji.

Nadzor nad sprovođenjem propisa iz stava 1. ovog člana vrši Federalno ministarstvo uz učešće Ministarstva, a Ministarstvo ima pravo da učestvuje u utvrđivanju politike i donošenja propisa koji se odnose na svaku od tih nadležnosti.

Član 8.

U slučaju sukoba nadležnosti između Ministarstva i Federalnog ministarstva, ako je neophodno hitno postupanje, do odluke Vlade Federacije primjenjivat će se odluka koju doneše ministar unutrašnjih poslova Federacije Bosne i Hercegovine (u daljem tekstu: federalni ministar).

Član 9.

Radi ostvarivanja javnosti rada, Ministarstvo obavještava javnost po pitanjima iz svog djelokruga, koja su od značaja za građane, preduzeća i druga pravna lica, kao i o mjerama za njihovo rješavanje.

Ministarstvo putem Uprave policije provodi policijske operacije na način koji omogućava uvid javnosti i medijima, osim u slučajevima izričito predviđenim pisanim propisima Ministarstva, u kojima se zahtjeva tajnost. Propisi koje Ministarstvo doneše moraju propisati postupak preispitivanja, s ciljem spriječavanja zloupotrebe.

Ministarstvo redovno objavljuje i čini dostupnim javnosti izvještaje o kriminalu i policijskim djelovanjima.

II - ORGANIZACIJA I NADLEŽNOST MINISTARSTVA

Član 10.

Unutrašnje poslove iz nadležnosti Kantona vrši Ministarstvo neposredno i preko svojih unutrašnjih organizacionih jedinica utvrđenih Pravilnikom o unutrašnjoj organizaciji i sistematizaciji.

Unutrašnje organizacione jedinice Ministarstva su Kabinet ministra, Uprava policije i Uprava za administraciju i podršku.

Uprava policije je odgovorna za izvršavanje poslova i zadataka određenih članom 2. stav 1. tačka 1. do 5. ovog zakona.

Uprava za administraciju i podršku je odgovorna za poslove i zadatke iz nadležnosti Ministarstva osim poslova koje obavljaju Kabinet ministra i Uprava policije.

Član 11.

Policijskim upravama će se formirati unutar Kantona i *će* odgovorna za slijedeće ili više specifične:

Policijска uprava ima jednu ili više policijskih stanica.

— Policijskom upravom rukovodi načelnik policijske uprave koga postavlja i razrješava policijski komesar Kantona Sarajevo, (u daljem tekstu: policijski komesar).

Član 12.

U vršenju nadležnosti iz člana 2. ovog zakona Ministarstvo naročito:

1. vrši zaštitu života i imovine i sprovodi Ustav i zakone Kantona;
2. neposredno provodi politiku Kantona, izvršava kantonalne, federalne i zakone Bosne i Hercegovine iz svoje nadležnosti i o tome izvještava Skupštinu, predsjednika i Vladu Kantona;
- ③ rješava u upravnim postupcima utvrđenim zakonom;
4. vrši nadzor nad provođenjem kantonalnih zakona i drugih propisa iz nadležnosti Ministarstva;
5. prati, usmjerava i usklađuje rad Policijskih uprava, naročito u poslovima i zadacima policije, a u složenijim slučajevima i neposredno poduzima mjere za spriječavanje i otkrivanje krivičnih djela i pronalaženje i hvatanje njihovih počinilaca, pruža stručnu pomoć Policijskim upravama, te vrši nadzor nad njihovim radom;
6. neposredno učestvuje u vršenju poslova i zadataka zaštite života i lične sigurnosti građana, kao i zaštitu objekata i drugih materijalnih dobara u slučaju opće opasnosti ili kada je javni red i mir narušen u većem obimu, kao i u slučaju terorističkog i drugog nasilnog djelovanja, odnosno oružane pobune;
7. vrši nadzor u pogledu izvršavanja unutrašnjih poslova koji su povjereni drugim organima, preduzećima i drugim pravnim licima;
8. utvrđuje programe stručnog osposobljavanja i usavršavanja ovlaštenih službenih lica i vrši provjeru njihove osposobljenosti, stara se o njihovoj realizaciji i naređuje izvođenje odgovarajućih vježbi;
9. stara se o primjeni i usavršavanju stručnih i naučnih metoda o radu i sadržaju rada policije;
10. vrši planiranje, organizovanje, održavanje i izgradnju jedinstvenog i funkcionalnog sistema veza, obavlja poslove prenosa i zaštite informacija i protivelektronske zaštite sistema veza;
11. vrši kriminalističko-tehnička vještačenja za potrebe Policijskih uprava i kriminalističko-tehnička vještačenja iz nadležnosti ministarstva;
12. stara se o uvođenju i primjeni savremenih naučnih dostignuća u suzbijanju kriminaliteta i preduzima mjere na suzbijanju i otkrivanju krivičnih djela;
13. vrši naučno-istraživačke poslove neophodne za obezbjeđenje djelatnosti policije;
14. objavljuje kantonalne potrage i izdaje odgovarajuće glasilo o potragama;
15. obezbjeđuje obradu podataka iz oblasti unutrašnjih poslova;

16. vodi propisane i druge potrebne statističke i operativne evidencije i stara se o vođenju tih evidencija u Policijskim upravama i organizacionim jedinicama u sjedištu;
17. dostavlja Federalnom ministarstvu operativne podatke i obavještenja kao i statističke podatke u vezi poslova iz zajedničke nadležnosti Kantona i Federacije i poslova iz nadležnosti Federacije čije je vršenje povjerenno Ministarstvu;
18. uspostavlja programe namjenjene olakšavanju javnih i pojedinačnih zahtjeva za pružanje policijskih usluga;
19. sarađuje sa i dostavlja Uredu za pritužbe javnosti u Ministarstvu unutrašnjih poslova, uz nadzor od strane Nadzorne komisije koju formiraju Kantonalna vlada i Kantonalna skupština, sve dokumente vezano za navode o neprimjerrenom ponašanju službenika Ministarstva. Također daje na raspolaganje osoblje za saslušanje i pružanje pomoći kada za to postoji potreba;
20. uspostavlja programe koji će favorizovati aktivno učešće stanovništva u sprječavanju kriminala;
21. donosi propise kojima će osigurati da sva kršenja ljudskih prava, poznata ili prijavljena policiji budu pismeno dokumentovana i temeljito istražena;
22. donosi propise kojima će se osigurati da prava svih žrtava zločina budu poštivana i da svi prijavljeni zločini budu dokumentovani i istraženi na odgovarajući način;
23. vrši i druge poslove i zadatke koji su mu ovim i drugim zakonima stavljeni u nadležnost.

Član 13.

— Policijske uprave su dužne da pruže pomoći radi obezbjeđenja izvršenja poslova i zadataka koji spadaju u nadležnost drugih državnih organa i preduzeća i drugih pravnih lica, kad oni na osnovu zakona vrše javna ovlaštenja, ako se prilikom tih poslova i zadataka nađe na fizički otpor ili se takav otpor može osnovano očekivati.

O načinu i obimu pružanja pomoći u smislu prethodnog stava, odlučuje načelnik Policijske uprave.

Načelnik Policijske uprave, kad ocijeni da se prilikom pružanja pomoći iz stava 1. ovog člana može očekivati da će doći do organizovanog i masovnog fizičkog otpora ili upotrebe oružja, dužan je prije donošenja odluke iz prethodnog stava pribaviti pismenu saglasnost policijskog komesara.

Član 14.

U slučaju terorističkog djelovanja i oružane pobune, Ministarstvo je dužno hitno obavijestiti Federalno ministarstvo i dalje postupati po njegovim uputama.

PRAVILNIK:

Član 15.

Pravilnik o unutrašnjoj organizaciji i sistematizaciji Ministarstva donosi ministar, uz saglasnost Vlade Kantona, a na prijedlog:

- komesara policije o odredbama vezanim za rad policije,
- direktora Uprave za administraciju i podršku kao i sekretara Ministarstva o svim ostalim odredbama vezanim za administrativna pitanja.

Pravilnikom iz stava 1. ovog člana utvrđuje se naročito:

- organizacione jedinice i njihov djelokrug;
- sistematizacija radnih mjesta, broj izvršilaca u organizacionim jedinicama i na pojedinim radnim mjestima i uslovi koje trebaju ispunjavati službenici za raspoređivanje na određana radna mjesta, broj pripravnika koji se primaju u radni odnos i uslovi za prijem pripravnika;
- način rukovođenja radom organizacionih jedinica, kao i posebna prava i ovlaštenja službenika u vršenju poslova i zadataka;
- način rada organizacionih jedinica u okviru jedinstvenog rukovođenja Ministarstvom i utvrđivanje djelokruga po mjesnoj i stvarnoj nadležnosti pojedinih unutrašnjih organizacionih jedinica.

Član 16.

Konstitutivni narodi i pripadnici ostalih bit će proporcionalno zastupljeni u Ministarstvu prema popisu stanovništva iz 1991. godine sve do potpune provedbe Aneksa 7. Općeg okvirnog sporazuma za mir kao i nakon toga, u skladu sa Ustavom Federacije Bosne i Hercegovine.

Ministarstvo će donijeti propise koji će osigurati jednako postupanje prema svim licima u pružanju policijskih usluga koje kontroliše Ministarstvo, bez obzira na njihovu etničku, rasnu, nacionalnu, polnu ili drugu pripadnost. Poštivanje ovih propisa biće podložno inspekciji.

Lice koje je bilo podložno diskriminaciji ima pravo na naknadu štete. Zahtjev za naknadu štete podnosi se u roku od 6 mjeseci od dana navodnog diskriminatorskog postupanja. Zahtjev za naknadu štete rješava Ministarstvo u dogovoru sa podnosiocem zahtjeva. Ukoliko se zahtjev za naknadu štete ne riješi sporazumno u roku od 60 dana od podnošenja, podnositelj zahtjeva može nadležnom sudu podnijeti tužbu radi naknade štete.

III - RUKOVOĐENJE MINISTARSTVOM

Član 17.

Ministarstvom rukovodi ministar.

U cilju kantonalne politike i izvršavanja kantonalnih zakona ili izvršavanja zadataka datih od strane Vlade Kantona ministar naročito:

1. predlaže donošenje zakona i drugih propisa iz nadležnosti Ministarstva;
2. organizira rad Ministarstva i osigurava njegovo zakonito i efikasno funkcionisanje;
3. donosi pravilnike, naredbe, uputstva, instrukcije i druge akte iz svoje nadležnosti, radi izvršavanja zakona i drugih propisa Kantona u oblasti unutrašnjih poslova, ukoliko je za to ovlašten tim zakonom ili drugim propisom;
4. pomaže *Vladi Kantona* u izvršavanju i sproveđenju politike Kantona;
5. preduzima, odnosno predlaže preduzimanje mjera u oblasti unutrašnjih poslova iz nadležnosti Kantona;
6. osigurava i ostvaruje saradnju Ministarstva sa drugim državnim organima;
7. stara se o ostvarivanju zakonitosti rada Ministarstva i daje podatke i obavještenja za javnost;
8. obrazuje upravne i druge stručne komisije i odgovarajuća radna tijela za izvršavanje određenih poslova iz nadležnosti Ministarstva;
9. odlučuje o korištenju sredstava za rad Ministarstva;
- 10. odlučuje o pravima i dužnostima radnika Ministarstva, izuzimajući one radnike koji odgovaraju policijskom komesaru, u skladu sa ovim zakonom;**
11. uspostavlja pod *operativnom komandom komesara policije* sistem unutrašnje kontrole i inspekcije kojim će se nadzirati usklađenost postupanja svih pojedinaca i jedinica sa Ustavom i primjenjivim zakonima i propisima i izvještaje ovih unutrašnjih kontrola odnosno inspekcija čini dostupnim javnosti;
12. izvršava druge poslove i zadatke koje mu povjeri Vlada Kantona, kao i druge poslove utvrđene zakonima Kantona i Federacije.

Ministar vrši nadzor nad provođenjem opće politike i rukovodi cijelokupnom djelatnošću Ministarstva, a sve operativne odluke u vezi sa policijskim aktivnostima su u nadležnosti policijskog komesara u skladu sa ovim zakonom.

Član 18.

U slučaju odsustva ministra ili nemogućnosti obavljanja dužnosti, zamjenjuje ga sekretar Ministarstva.

Član 19. – briše se

Član 20.

U ministarstvu se uspostavlja Ured policijskog komesara kojim rukovodi policijski komesar, kao rukovodeći službenik.

Ured policijskog komesara će sačinjavati načelnik unuformirane policije, načelnik kriminalističke policije i potreбno osoblje za podršku.

Član 21.

Pod sveobuhavatnim nadzorom ministra unutrašnjih poslova, komesar policije rukovodi svim policijskim operacijama u skladu sa Zakonom.

Komesar policije rukovodi i nadzire sve policijske aktivnosti vezane za javnu sigurnost građana, sprečavanje i otkrivanje krivičnih djela.

Komesar policije obavlja slijedeće zadatke:

I – na dnevnoj osnovi planira, rukovodi i nadzire sve policijske aktivnosti;

II – neposredno rukovodi policijskim aktivnostima, a u vezi s tim organizira, planira, nadzire, usmjerava i koordinira rad policije;

III – donosi odluke o zapošljavanju i raskidu ugovora o zapošljavanju u skladu sa Zakonom i nakon konsultacija sa ministrom;

IV – raspoređuje i premješta zaposlene na i sa odgovarajućih radnih mesta u Upravi policije, i donosi odluke o rasporedu i premještanju. Prije donošenja odluke o raspoređivanju ili premještanju rukovodilaca u upravi policije, komesar policije će konsultirati ministra i sa pažnjom uzeti u razmatranje njegovo mišljenje;

V – priprema prijedlog budžeta za potrebe policije i odgovoran je za sva finansijska i materijalna sredstva dodjeljena policiji;

VI – priprema programe, informacije, analize i ostale materijale iz djelokruga policijskog rada;

VII – redovno informiše ministra o preduzetim policijskim aktivnostima;

VIII – nadgleda rad Jedinice za profesionalne standarde, koja se sastoji od unutrašnje disciplinske kontrole, unutrašnjih inspekcija i revizija, te razmatranja i razvoja načela.

Mandat komesara policije traje četiri godine uz mogućnost produženja za još jedan dodatni mandat. Načelnik uniformisane policije zamjenjuje komesara policije kada nije u mogućnosti da obavlja svoju funkciju i dok se ne odabere i postavi na dužnost novi komesar policije u skladu sa Zakonom.

KANDIDAT ZA KOMESARA

Član 22.

Kandidat za policijskog komesara ne može biti član političke stranke.

Osoba koja jeste ili koja je bila na bilo kojoj poziciji u političkoj stranci na bilo kojem nivou, ili postavljena na bilo koju poziciju od strane političke stranke, i osoba koja jeste ili koja je bila član izvršnog ili zakonodavnog tјela na bilo kojem nivou ne može biti imenovana na mjesto policijskog komesara, kao i osoba protiv koje su Međunarodne policijske snage (u daljem tekstu IPTF) izdale izvještaj o nesuradnji.

Osoba kojoj je izrečena pravosnažna presuda za krivična djela sa umišljajem ili za zloupotrebu položaja kako je to utvrđeno Krivičnim zakonom i Zakonom o krivičnom postupku i protiv koje su ikada izrečene disciplinske kazne za teže povrede službene dužnosti ne može biti imenovana na to mjesto.

Kandidat za poziciju komesara policije mora imati najmanje deset godina radnog iskustva u policiji na rukovodnim pozicijama (isključujući period od 01. marta 1992. godine do 14. decembra 1995. godine) i dokazanu sposobnost rukovođenja složenim poslovima. U smislu ovog zakona, "rukovodna pozicija u policiji" označava poziciju višeg inspektora ili višu. Uz to, isti će imati najmanje čin glavnog inspektora policije i zahtjeva se da je osoba u tom činu provela najmanje tri godine. Kandidati za mjesto komesara Policije kojima nije odobreno ovlaštenje ili autorizacija od UNIPTF neće biti uzeti u razmatranje.

Za policijskog komesara ne može se imenovati osoba koja na početku svog mandata ispunjava uslove za penzionisanje u skladu sa zakonom.

Kandidat daje pismenu izjavu o svom imovinskom stanju koja će biti otvorena za javnost.

Uz gore navedene uslove, kandidati za policijskog komesara moraju ispunjavati i druge opće uslove u skladu sa zakonom.

NEZAVISNI ODBOR

Član 23.

Policijski komesar bit će odabran transparentnim i neovisnim selektivnim procesom od strane Nezavisnog odbora za izbor i reviziju (u daljem tekstu: Nezavisni odbor).

Imenovanje Nezavisnog odbora će vrši Skupština Kantona Sarajevo na prijedlog Komisije za izbor i imenovanje, uz konsultaciju sa UNMIBH / IPTF za vrijeme trajanja njegovog mandata.

Član 24.

Nezavisni odbor se sastoji od sedam članova: dva predstavnika Ministarstva unutrašnjih poslova i pet članova reda građana (ugledni stručnjaci iz oblasti pravnih i kriminalističkih nauka i ljudskih prava a koji nisu predstavnici političkih stranaka). U vrijeme trajanja mandata UNMIBH Nezavisnom odboru će savjetodavnu pomoć pružati jedan predstavnik IPTF-a.

Osobe iz člana 22. stav 2. i 3. ovog zakona ne mogu biti članovi Odbora.

Član 24. A

Nezavisni odbor će se birati na period od 4 godine. Članovi Nezavisnog odbora će imati pravo na naknadu za svoj rad koju određuje nadležna komisija Skupštine Kantona.

Član 24. B

Članovi Nezavisnog odbora između sebe biraju predsjednika i potpredsjednika u skladu sa Poslovnikom Nezavisnog odbora.

Član Nezavisnog odbora može podnijeti ostavku koja stupa na snagu danom podnošenja. O podnešenoj ostavci će biti obavještena Skupština Kantona koja će izabrati novog člana Nezavisnog odbora u skladu sa zakonom.

Na prijedlog sekretara Skupštine Kantona Nezavisni odbor može izabrati sekretara Nezavisnog odbora iz reda radnika Službe za skupštinske poslove.

Administrativne i organizaciono – tehničke poslove za Nezavisni odbor obavlјat će operativna služba Skupštine Kantona.

Član 25.

Nezavisni odbor upravlja procesom izbora, imenovanja i smjene policijskog komesara.

Nezavisni odbor:

1. raspisuje javni konkurs,
2. razmatra prispjele prijave,
3. vrši selekciju i odabir odgovarajućih kandidata,
4. predlaže ministru kandidate za policijskog komesara,
- 5. razmatra sve žalbe koje se odnose na rad policijskog komesara, ukuljuujući tu i žalbe građana;**
- 6. razmatra prijedloge skupštine, Vlade ili ministra o smjeni policijskog komesara;**

7. predlaže smjenu policijskog komesara u slučaju da su ispunjeni sljedeći kriteriji:
 - dokazano krivično djelo ili teški disciplinski prekršaj;
 - primjena člana 62. ovog zakona;
 - izdavanje od strana IPTF – a izvještaja o nepridržavanju dogovorenih pravila;
8. ocjenjuje cijelokupan rad policijskog komesara u slučaju ponovnog imenovanja za drugi mandat.

Član 26.

U roku od sedam dana ministar će Vladi Kantona Sarajevo predložiti kandidata za policijskog komesara kojeg preporuči Nezavisni odbor, na imenovanje. U slučaju da se to ne realizira u datom roku, Nezavisni odbor će dostaviti preporučenog kandidata direktno Vladi.

U slučaju da se Vlada Kantona ne složi sa predloženim kandidatom, ona mora dostaviti prizmerno obrazloženje ministru u kojem će navesti razloge odbijanja i zahtjevati od Nezavisnog odbora da ponovo razmotri svoj prijedlog.

Nezavisni odbor može objašnjenje Vlade Kantona iz predhodnog stava pobiti i ponovno potvrditi svoj prijedlog ili predložiti drugog kandidata.

Odluka Nezavisnog odbora iz predhodnog stava je obavezujuća i konačna.

Član 26. A

Ako se ispune kriteriji za smjenjivanje, Nezavisni odbor će predložiti smjenu policijskog komesara Vladi preko ministra. Ukoliko se to ne realizira u roku od sedam dana, Nezavisni odbor će dostaviti svoj prijedlog direktno Vladi.

U slučaju da se Vlada Kantona ne složi sa predloženom smjenom, ona mora dostaviti pismeno obrazloženje ministru u kojem će navesti razloge odbijanja i zahtjevati od Nezavisnog odbora da ponovo razmotri svoj prijedlog.

Nezavisni odbor može pobiti obrazloženje Vlade Kantona iz predhodnog stava i ponovno potvrditi svoj prijedlog.

Odluka Nezavisnog odbora iz predhodnog stava je obavezujuća i konačna.

Član 26. B

— Za vrijeme trajanja mandata UNMIBH-a, imenovanje bilo koje osobe na položaj policijskog komesara podlijegat će certifikaciji od strane UNMIBH / IPTF-a.

Član 27.

Svi propisi koje donosi Ministerstvo kao i sve radnje Ministarstva i njegovih službenika moraju biti u skladu sa međunarodno prihvaćenim principima policijske službe u demokratskoj državi, koje je Federacija usvojila 26. 4. 1996. godine u Bon Petersburgu.

Član 28.

? Svi propisi Ministarstva, uključujući, ali ne ograničavajući se na pravilnik, kao i sve radnje Ministarstva i njegovih službenika moraju biti u skladu sa Komesarovim smjernicama za demokratsku policiju u Federaciji Bosne i Hercegovine i napomenama vezanim za Komesarove smjernice koje je komesar međunarodne policije donio u maju 1996. godine.

IV – POLICIJA

Član 29.

Poslove i zadatke javne bezbjednosti u Ministarstvu vrši policija. Policija djeluje u skladu sa odredbama ovog zakona i pisanim propisima i naredbama koje Ministarstvo doneće u skladu sa ustavnim zakonima Kantona, Federacije i Bosne i Hercegovine.

Član 30.

Policija vrši upravne, stručne i druge poslove i zadatke koji se odnose naročito na: zaštitu života i lične sigurnosti ljudi, zaštitu imovine, spriječavanje i otkrivanje krivičnih djela, pronalazeњe i hvatanje počinilaca krivičnih djela i njihovo privođenje nadležnim organima u slučajevima kada to nije u nadležnosti sudske policije, održavanje javnog reda i mira, vršenje kriminalističko-tehničkih poslova, sigurnost, kontrolu i regulisanje saobraćaja na putevima i zaštitu određenih osoba.

Policija ne vrši vojne operacije niti se uključuje u njih. Policija djeluje isključivo u cilju provođenja zakona.

Član 31.

Pozlove i zadatke neposrednog provođenja zakona, zaštite života i imovine, održavanja javnog reda i mira, spriječavanja i otkrivanja krivičnih djela, kontrole i regulisanja saobraćaja na putevima, poslove i zadatke javne bezbjednosti u drumskom i željezničkom saobraćaju, kao i druge poslove i zadatke iz prethodnog člana, čija priroda i uslovi to zahtijevaju vrše pripadnici policije u uniformi (u daljem tekstu: policajac).

Policajci nose propisanu uniformu sa kantonalnim oznakama i u skladu sa propisima u vršenju službe su naoružani.

Policajski komesar ili službenik koga on za to ovlasti mogu odrediti da policajci određene poslove i zadatke vrše u civilnom odijelu.

Kad interesi javnog poretku ili održavanja javnog reda i mira zahtijevaju, policijski komesar ili službenik koga on za to ovlasti može naređiti da druga ovlaštena službena lica izvršavaju određene policijske poslove i zadatke u uniformi.

Član 32.

Rukovođenje u Ministarstvu se zasniva na načelima jedinstvenog rukovođenja u izvršavanju poslova i zadataka Ministarstva.

Zaposleni u Ministarstvu putem lanca komandovanja izvršavaju naredbe ministra, osim ako su te naredbe u suprotnosti sa ustavom ili zakonima Bosne i Hercegovine, Federacija ili Kantona.

V - DUŽNOSTI I PRAVA OVLAŠTENIH SLUŽBENIH LICA

Član 33.

Određeni službenici Ministarstva u vršenju poslova i zadataka policije imaju posebne dužnosti i ovlaštenja određena ovim zakonom (u daljem tekstu: ovlaštena službena lica).

Ovlaštenim službenim licima smatraju se službenici koji neposredno rade na operativnim poslovima i zadacima iz nadležnosti Ministarstva i drugi službenici čiji poslovi i zadaci i odgovornost su u neposrednoj vezi sa vršenjem ovih poslova i zadataka.

Pravilnikom o unutrašnjoj organizaciji i sistematizaciji Ministarstva utvrđuje se ko se smatra ovlaštenim službenim licem.

Ovlaštena službena lica u Ministarstvu će imati činove. Način na koji će se dodjeljivati i oduzimati činovi utvrđuje Vlada Kantona.

Ovlaštenim službenim licima izdaje se službena legitimacija i značka.

Ovlaštena službena lica imaju pravo i dužnosti da, u skladu sa propisima o vršenju poslova i zadataka policije, drže i nose oružje.

Policija je dužna vršiti svoje poslove i zadatke uz puno poštovanje ljudskog dostojanstva i osnovnih ljudskih prava svih lica, u skladu sa međunarodno prihvaćenim standardima ljudskih prava. Ministarstvo će donijeti propise o poštivanju ljudskih prava koji

će se primjenjivati na sve jedinice unutar Ministarstva. Poštivanje ovih propisa biće podložno unutrašnjoj inspekciji.

Ovlaštena službena lica daju svečanu izjavu pred ministrom i policijskim komesarom.

— *Tekst zakletve utvrđuje ministar na prijedlog komesara policije*

Ovlaštena službena lica takođe daju svečanu izjavu pred ministrom i policijskim komesarom da će se pridržavati etičkog kodeksa za profesionalne policajce.

— Ministarstvo će usvojiti pisani etički kodeks za profesionalne policajce koji izražava vrijednosti kojima će se svaki policajac rukovoditi pri vršenju svojih dužnosti. Etički kodeks za profesionalne policajce koji je priložen kao prilog "A" biće izrađen u prikladnom formatu, tako da ga svaki policajac može nositi kada je na dužnosti.

Član 34.

Ovlaštena službena lica su dužna da poslove i zadatke provođenja zakona, zaštite života i lične sigurnosti građana, spriječavanja izvršenja krivičnih djela i hvatanja njihovih počinilaca, kao i poslove i zadatke održavanja javnog reda i mira, vrše u svakoj prilici bez obzira da li se nalaze na službenoj dužnosti i da li im je to posebno stavljen u zadatak.

Ovlaštena službena lica dužna su da poslove i zadatke policije vrše i u slučaju kada izvršavanje tih poslova i zadataka dovodi u opasnost njihov život.

Član 35.

Kad ovlašteno službeno lice u civilnom odijelu izdaje naređenje ili vrši drugo posebno ovlaštenje po odredbama ovog zakona prema pojedincu ili pravnom licu, dužno je da se legitimise ako to okolnosti dozvoljavaju.

U slučaju iz prethodnog stava dužno je da se legitimise i ovlašteno službeno lice u uniformi, ako to zahtijeva lice prema kome vrši posebno ovlaštenje.

Član 36.

— Ovlaštena službena lica kada vrše poslove i zadatke na sredstvima javnog prevoza imaju pravo na besplatan prevoz tim sredstvima i na osiguranje koje imaju putnici u javnom prevozu.

— Ovlašteno službeno lice može koristiti besplatan prevoz po odredbi prethodnog stava samo ako ima pismeni nalog za vršenje poslova i zadataka na odnosnom saobraćajnom sredstvu.

Član 37.

U vršenju poslova i zadataka radi zaštite života i lične sigurnosti građana, zaštite imovine od uništenja, oštećenja ili krađe, održavanja javnog reda i mira, bezbjednosti saobraćaja na putevima, kao i u slučajevima opšte opasnosti prouzrokovane elementarnim nepogodama i epidemijama, policijski komesar i drugi službenik koga on za to odredi, a u hitnim slučajevima i druga ovlaštena službena lica, mogu izdavati potrebna naređenja građanima, preduzećima i drugim pravnim licima.

Član 38.

U vršenju službenih poslova i zadataka ovlaštena službena lica imaju pravo da legitimisu lica kada je to potrebno radi otkrivanja krivičnog djela ili radi zaštite života i lične sigurnosti građana.

Član 39.

Radi hvatanja počinioca krivičnog djela koga neposredno gone, kao i radi prevoženja do najbliže zdravstvene ustanove žrtve krivičnog djela, elementarne nepogode ili nesretnog slučaja, ovlaštena službena lica imaju pravo da se posluže tuđim saobraćajnim vozilom ili

sredstvima veze do koga mogu doći. O upotrebi saobraćajnog sredstva ili sredstva veze ovlašteno službeno lice izdaje potvrdu njegovom vlasniku ili korisniku.

Vlasnik ili korisnik sredstva iz stava 1. ovog člana ima pravo na naknadu materijalne štete prouzrokovane upotrebom njegovog saobraćajnog sredstva, odnosno sredstva veze.

Član 40.

Ovlaštena službena lica imaju pravo upotrijebiti odgovarajuća sredstva prinude i to: fizičku snagu i gumenu palicu, sredstva za vezivanje, hemijska sredstva, sredstva za nasilno zaustavljanje i zaprečavanje vozila i lica, službene pse, službenu konjicu i vodenim topom kada je to potrebno radi odbijanja napada na sebe ili drugo lice, ličnost koju obezbjeđuju, radi savladavanja otpora jednog ili više lica koja remete javni red i mir ili ugrožavaju bezbjednost saobraćaja ili lica koja treba dovesti, zadržavati ili lišiti slobode, radi uspostavljanja narušenog javnog reda i mira, kao i radi sprečavanja bjekstva lica koja se sprovode ili koja treba dovesti, zadržavati ili lišiti slobode ako postoji sumnja da će pokušati bjekstvo.

Osim u slučajevima iz stava 1. ovog člana, ovlašteno službeno lice ima pravo upotrijebiti sredstava za vezivanje i u drugim slučajevima kada treba lice dovesti, sprovesti, zadržati ili lišiti slobode.

Član 41.

Najviši prioriteti Ministarstva i policijske službe je zaštita života. Bilo koja mjera preduzeta u provođenju policijskih djelovanja mora biti dosljedna ovom prioritetu. Sredstva prinude će biti upotrijebljena samo u slučajevima u kojima su druga sredstva vršenja kontrole neefikasna. U svim okolnostima, upotrijebiće se najniži stepen prinude neophodan za vršenje kontrole. Smrtonosna sila će biti upotrijebljena samo kao krajnje rješenje u okolnostima u kojima je to neophodno za zaštitu života.

Smrtonosna sila je sila za koju se opravdano može očekivati da dovede do smrti ili teže tjesne povrede. Pražnjenje vatrenog oružja na ili u pravcu osobe ili prema vozilu u pokretu predstavlja upotrebu smrtonosne sile.

Pri vršenju poslova i zadataka iz svoje nadležnosti ovlaštena službena lica mogu upotrijebiti vatreno oružje:

1. da zaštite život ljudi;
2. da zaštite svoj život, odnosno da od sebe odbiju neposredan napad kojim se ugrožava njihov život;
3. da spriječe bjekstvo lica zatečenog u vršenju krivičnih djela ukoliko bjekstvo tog lica neposredno ugrožava nečiji život;
4. da spriječe bjekstvo lica lišenog slobode i lica za koja je izdat nalog za lišenje slobode, ukoliko bjekstvo tog lica neposredno ugrožava nečiji život.

Iuzetno, ovlašteno službeno lice može upotrijebiti vatreno oružje i u slučaju ako drugačije ne može spriječiti bjekstvo sumnjivog lica, ako se na osnovu njegovog ponašanja i drugih odgovarajućih okolnosti može osnovano zaključiti da namjerava izvršiti napad na ličnost koju policija obezbjeđuje.

Policajci će nositi samo oružje koje je po prirodi odbrambeno, ne veće od pištolja, osim ukoliko vanredne, specifične i jasno određene okolnosti to nalažu. Ministarstvo će donijeti propise u skladu sa ovim zakonom i Ustavom, u kojima će se izričito navesti okolnosti u kojima je dozvoljeno nošenje oružja većeg od pištolja. Ni u kom slučaju bilo koje druge jedinice osim specijalnih jedinica koje su za to obučene neće nositi dugocijevno oružje.

Član 42.

Ovlaštena službena lica upotrebljavaju vatreno oružje iz člana 41. ako upotrebom fizičke snage, gumene palice ili drugih sredstava prinude ne mogu izvršiti posao odnosno zadatak.

Ako je u dатој ситуацији могуће, овлашено лице дужно је прије употребе ватреног оружја да на то упозори лице према коме га намјерава употребити.

Овлашено службено лице које врши послове и задатке у сastavu jedinice ili grupe, може употребити ватreno oružje само по naređenju starještine te jedinice, odnosno grupe. Naređenje за употребу oružja може se izdati samo u slučajevima i pod uslovima predviđenim zakonom.

Član 43.

Ovlaшено службено лице у slučaju употребе vатреног oružja ili drugog sredstva prinude, дужно је одmah obavijestiti neposrednog rukovodioca.

Neposredni rukovodilac je dužan, najkasnije u roku od dva dana od dana saznanja da je ovlašteno službeno лице u vršenju svojih poslova i zadatka upotrijebilo vatreно oružje ili drugo sredstvo prinude iz člana 41. ovog zakona, prikupiti sve podatke i činjenice neophodne za ocjenu zakonitosti i pravilnosti upotrebe odnosnog sredstva prinude ili vatreнog oružja.

Zakonitost i pravilnost upotrebe vatreнog oružja ili drugog sredstva prinude od strane ovlaštenog službenog lica, ocjenjuje policijski komesar u roku od sedam dana od dana saznanja za upotrebu prinude ili vatreнog oružja.

– Ako policijski komesar utvrdi da je ovlašteno službeno лице nezakonito ili nepravilno upotrijebilo vatreно oružje ili drugo sredstvo prinude, dužan je odmah preuzeti odgovarajuće mjere za utvrđivanje odgovornosti tog ovlaštenog službenog lica.

Član 44.

Ako se protiv ovlaštenog službenog lica pokrene ili vodi krivični, parnični postupak zbog upotrebe vatreног oružja ili drugog sredstva prinude u vezi sa vršenjem poslova i zadatka, ministarstvo će tom licu obezbijediti odbranu i drugu odgovarajuću pravnu pomoć u vezi sa vođenjem postupka.

Pravna pomoć obezbijedit će se ovlaštenom službenom licu i kao oštećenom u postupku za naknadu štete, ako mu je šteta nanesena u vezi sa vršenjem poslova i zadatka. Odredbe prethodnih stavova primjenjuju se i poslije prestanka radnog odnosa ovlaštenog službenog lica u Ministarstvu.

Ministarstvo neće pružiti pravnu pomoć po odredbama prethodnih stavova ovlaštenom službenom licu kome je za konkretni slučaj izrečena disciplinska mјera prestanka radnog odnosa zbog namjernog prekoračenja ovlaštenja, odnosno zbog zloupotrebe u vršenju poslova i zadatka, kao i u slučaju kada je Ministarstvo podnijelo krivičnu prijavu protiv ovlaštenog službenog lica.

Odredbe st. 1. i 2. ovog člana shodno se primjenjuju i u pogledu lica koje je Ministarstvu, odnosno ovlaštenom službenom licu, u vršenju poslova i zadatka pružilo pomoć.

Član 45.

Troškove pružanja pravne pomoći po odredbama prethodnog člana snosi Ministarstvo.

VI - POSEBNE ODREDBE O MEĐUSOBNIM ODNOSIMA MINISTARSTAVA

Član 46.

Ministarstvo sarađuje sa Federalnim ministarstvom unutrašnjih poslova, i ministarstvima unutrašnjih poslova drugih kantona, radi razmatranja i usaglašavanja stavova, usklađivanja planova, preuzimanja zajedničkih akcija i bezbjednosnih mјera od zajedničkog interesa.

U slučaju kada Ministarstvo u vršenju poslova iz svoje nadležnosti dođe do saznanja da se priprema izvršenje krivičnog djela iz nadležnosti Federacije, odnosno da je tako krivično djelo izvršeno, preduzet će neophodne mjere i radnje u cilju neposrednog sprečavanja izvršenja tog djela, odnosno otkrivanja i hvatanja počinilaca tog krivičnog djela i o tome odmah obavijestiti Federalno ministarstvo.

Ministarstvo na zahtjev općinskog vijeća ili općinskog načelnika dostavlja obavještenja, informacije i druge podatke o stanju i problemima iz djelokruga Ministarstva na tom području.

Općinsko vijeće ili općinski načelnik mogu Ministarstvu dati prijedlog, mišljenje ili pokrenuti inicijativu u vezi sa pitanjima od značaja za bezbjednost na području općine.

Ministarstvo je dužno da razmotri prijedlog, mišljenje ili inicijativu iz prethodnog stava i da njihovog podnosioca obavijesti o svojim stavovima i preduzetim mjerama.

Član 48.

Ministarstvo u okvirima svoje nadležnosti može Federalnom ministarstvu i ministarstvima drugih kantona povjeriti obavljanje poslova u vezi sa školovanjem i dopunskim obrazovanjem i usavršavanjem policijskih službenika, naučno-istraživačkim djelatnostima za potrebe policije, vršenjem složenijih kriminalističko-tehničkih vještačenja, opremanjem policijskom opremom, naoružanjem i drugim sredstvima, te obavljanje drugih poslova iz svoje nadležnosti.

Član 49.

U slučaju potrebe Ministarstvo sa organima iz člana 48. ovog zakona može preduzimati zajedničke mјere u cilju efikasnog i blagovremenog izvršenja poslova iz člana 12. ovog zakona.

Član 50.

Ovlaštena službena lica Federalnog ministarstva u vršenju poslova iz nadležnosti Federacije odnosno Bosne i Hercegovine, na području kantona imaju iste dužnosti i ovlaštenja kao i ovlaštena službena lica ministarstva.

Član 51.

Polijski komesar može neposredno sa ministarstvom unutrašnjih poslova drugog kantona utvrditi uvjete pod kojima ovlaštena službena lica ministarstva unutrašnjih poslova jednog kantona mogu vršiti određene poslove ili zadatke na području drugog kantona.

Član 52.

U ostvarivanju međusobne saradnje iz člana 48. ovog zakona ministarstva unutrašnjih poslova mogu udružiti finansijska i druga sredstva.

Član 53.

U slučaju povjeravanja poslova iz nadležnosti Federalnog ministarstva Ministarstvu Kantona, troškove obavljanja tih poslova snosi Federalno ministarstvo.

Član 54.

U ostvarivanja saradnje Ministarstva sa Federalnim ministarstvom i ministarstvima unutrašnjih poslova drugih kantona, obezbeđuje se razmjena podataka, obavještenja i informacija potrebnih za uspješno vršenje poslova iz djelokruga organa unutrašnjih poslova.

Ministarstvo će uspostaviti sistem za sistematsko prikupljanje podataka o kriminalu i policijskim mjerama za njegovo suzbijanje. Ministarstvo će koordinirati sistem prikupljanja

podataka sa Federalnim ministarstvom kako bi statistički podaci mogli biti sastavljeni i upoređeni među kantonima.

Član 55.

U slučaju elementarnih nepogoda, epidemija kao i u drugim vanrednim slučajevima Federalno ministarstvo ili ministarstvo unutrašnjih poslova drugog kantona može od ministarstva, kao i ministarstvo od njih, zatražiti pomoć u sredstvima, opremi i kadrovima.

VII - RADNI ODNOSSI I DISCIPLINSKA ODGOVORNOST

Član 56.

Zakoni, drugi propisi i opći akti, kojim je uređena uprava i radni odnosi, plaće, zdravstveno i penzijsko osiguranje za službenike u organima uprave Kantona, primjenjuju se i na rukovodeće službenike i službenike Ministarstva, ako ovim zakonom nije drukčije propisano.

Član 57.

Radni odnos u Ministarstvu ne može se zasnivati bez javnog oglasa.

Član 58.

Pored općih uslova za zasnivanje radnog odnosa propisanih zakonom mogu se utvrditi i posebni uslovi u pogledu stručnih, zdravstvenih i psihofizičkih sposobnosti kandidata za službu i stručno osposobljavanje za službu u Ministarstvu.

Posebne uslove iz stava 1. ovog člana propisuje ministar putem pravilnika.

Član 59.

Ovlaštena službena lica ne mogu biti poslanici u Parlamentarnoj Skupštini Bosne i Hercegovine, Parlamentarnoj Skupštini Federacije BiH ili Skupštini Kantona Sarajevo, niti vijećnici općinskih vijeća kao ni članovi političkih partija.

Ovlaštena službena lica i drugi službenici Ministarstva ne mogu obavljati druge poslove bez odobrenja ministra.

Član 60.

? Službenici Ministarstva u svojstvu pripravnika polažu stručni ispit. Program i način polaganja stručnog ispita propisuje ministar.

Član 61.

Službenik Ministarstva dužan je da službene dokumente i radnje drži u tajnosti. Obaveza držanja u tajnosti traje i po prestanku radnog odnosa. Bliže propise o tajnosti i odgovornosti službenika u Ministarstvu za čuvanje službene tajne donosi ministar.

Član 61.a

Postupak za određivanje disciplinske i materijalne odgovornosti službenika ministarstva utvrđuje se Pravilnikom o disciplinskoj i materijalnoj odgovornosti.

Član 61.b

Ured za pritužbe javnosti osniva se unutar Ministarstva unutrašnjih poslova za praćenje i nadzor nad internim mehanizmom disciplinske odgovornosti u vezi navoda o neprimjerenom i neprofesionalnom ponašanju službenika Ministarstva. Dužnosti i odgovornosti Ureda uređuje Vlada Kantona.

Član 62.

Osim u slučajevima predviđenim zakonom kojim se uređuju radni odnosi službenika organa uprave, ovlaštenom službenom licu prestaje radni odnos i u slučaju ako:

- 1) prestane ispunjavati posebne uvjete na osnovu kojih je zasnovao radni odnos;
- 2) odbije da radi na poslovima i zadacima na koje je raspoređen;
- 3) odbije da izvrši zakonito naređenje, izdato radi vršenja poslova i zadataka iz nadležnosti Ministarstva;
- 4) se utvrdi da obavlja druge poslove bez odobrenja ministra;
- 5) se utvrdi da svojim radom, stručnim i drugim sposobnostima ne može odgovarati zahtjevima izvršavanja poslova i zadataka na koje je raspoređen ili ako ne ostvaruje predviđene rezultate rada.

U slučajevima iz tač. 1. do 5. ovog člana radni odnos prestaje danom uručenja rješenja o prestanku radnog odnosa.

Član 63.

U slučaju potrebe za izvršavanjem neodložnih poslova i zadataka, prekid korištenja godišnjeg odmora službenika Ministarstva može odrediti komesar policije za službenike u njegovoj nadležnosti, a za druge službenike ministar ili lice koje on ovlasti.

U slučaju iz stava 1. ovog člana, službeniku pripada naknada putnih i drugih troškova koji su nastali zbog prekida korištenja godišnjeg odmora. Ministar utvrđuje koji troškovi, osim putnih troškova, i u kojoj visini se priznaju zbog prekida godišnjeg odmora.

Član 64.

Finansijska sredstva za plaće ovlaštenih službenih lica Ministarstva zbog posebnih uslova rada i prirode poslova i zadataka koje obavljaju, Ministarstvu se obezbjeđuju uvećana do 30% u odnosu na sredstva koja se obezbjeđuju za plaće službenika u drugim kantonalnim organima uprave.

Član 65.

Službenik Ministarstva koji u vršenju ili povodom vršenja službenog posla ili zadatka izgubi život, sahranit će se o trošku Ministarstva, u mjestu koje odredi njegova porodica.

Porodici koju je poginuli službenik izdržavao, pripada jednokratna novčana pomoć u visini ukupnog iznosa plaća koje je radnik ostvario u posljednjih šest mjeseci.

Naknada iz stava 2. ovog člana isplaćuje se iz sredstava Ministarstva.

Član 66.

Ovlaštenom službenom licu za vrijeme privremene nesposobnosti za rad, zbog bolesti ili zbog povrede zadobijene u vezi sa vršenjem poslova i zadataka na koje je raspoređeno pripada naknada u visini plaće ostvarene u mjesecu koji je prethodio nastupanju slučaja, na osnovu kojeg ostvaruje pravo na naknadu.

Razliku između naknade za vrijeme privremene nesposobnosti koju osigurava nadležni fond zdravstvenog osiguranja i visine plaće iz stava 1. ovog člana osigurava Ministarstvo.

Član 67.

Organizacionim jedinicama i službenicima Ministarstva mogu se dodjeljivati pohvale, nagrade i druga priznanja za naročito zalaganje i postignute uspjehe u izvršavanju radnih zadataka.

Pohvale, nagrade i druga priznanja iz stava 1. ovog člana utvrđuje i dodjeljuje ministar.

SUSPENZIJA:

Član 68.

Službenik Ministarstva udaljiti će se privremeno iz Ministarstva ili sa poslova i zadataka koje vrši u Ministarstvu kada je protiv njega pokrenut krivični ili disciplinski

postupak, ako se s obzirom na prirodu krivičnog djela, odnosno teže povrede radne dužnosti, na okolnosti pod kojima su oni izvršeni i na druge okolnosti, može osnovano zaključiti da bi bilo štetno po interes službe da službenik i dalje ostane u Ministarstvu, odnosno na poslovima i zadacima koje obavlja u Ministarstvu.

Odluku o privremenoj suspenziji u skladu sa stavom 1. ovog člana donosi komesar policije za službenike u njegovoj nadležnosti, a za druge uposlenike ministar ili lice koje on ovlasti.

Ovlaštenom službenom licu kome je izrečena mјera privremenog udaljenja iz Ministarstva, kao i ovlaštenom službenom licu kome je izrečena mјera privremenog udaljenja sa poslova i zadatka koje vrši ako se rasporedi na poslove i zadatke koje ne vrše ovlaštena službena lica, oduzima se oružje, službena legitimacija i značka koji su mu dati kao ovlaštenom službenom licu i za to vrijeme ne smije nositi uniformu.

Odredbe stava 3. ovog člana shodno se primjenjuju i prema službeniku kojem je izrečena disciplinska mјera raspoređivanja na druge poslove i zadatke.

Član 69.

Prigovor koji se podnosi na rješenje kojim se odlučuje o pravima i dužnostima službenika ne odlaže izvršenje rješenja.

VIII - STRUČNO OSPOSOBLJAVANJE

Član 70.

Ministarstvo organizuje i provodi stručno osposobljavanje i usavršavanje službenika Ministarstva i školovanje kandidata za rad u Ministarstvu.

Poslovi iz stava 1. ovog člana obavljaju se putem školovanja, kurseva i drugih oblika stručnog osposobljavanja i usavršavanja.

Član 71.

Radi obavljanja poslova iz člana 70. ovog zakona Ministarstvo može organizovati specijalističke centre za obuku.

Član 72.

Ministar utvrđuje plan i program stručnog osposobljavanja i usavršavanja službenika Ministarstva.

Član 73.

Ministarstvo za svoje potrebe školuje policajce u Policijskoj akademiji.

Školovanje polaznika Policijske akademije za potrebe Ministarstva uređuje se posebnim ugovorom između ovog ministarstva i Ministarstva unutrašnjih poslova FBiH.

Međusobna prava i obaveze Policijske akademije i Ministarstvu se regulišu posebnim ugovorom.

Član 74.

Za polaznike Policijske akademije iz prethodnog člana za vrijeme trajanja školovanja u Akademiji osigurava se smještaj, ishrana, uniforma, obuća i rublje, udžbenici, zdravstveno i invalidsko osiguranje ukoliko to osiguranje nemaju po drugom osnovu i mjesecna primanja za neophodne lične izdatke.

Iznos mjesecnih primanja za neophodne lične izdatke polaznika Policijske akademije iz prethodnog stava ovog člana utvrđuje Vlada Kantona na prijedlog ministra.

Član 75.

Ako polaznik Policijske akademije samovoljno napusti školovanje u Akademiji, zbog svoje krivice bude isključen sa školovanja, ne završi školovanje sa uspjehom ili se po završetku školovanja na Akademiji ne javi na rad ili ne ostane na radu u Ministarstvu, odnosno uslijed njegove krivice radni odnos prestane prije ugovorenog roka, dužan je nadoknaditi troškove školovanja na Policijskoj akademiji, odnosno srazmjeran dio tih troškova.

Član 76.

Polaznik Policijske akademije koji uspješno završi školovanje raspoređuje se u skladu sa ugovorenim obavezama u Ministarstvo kao pravnik.⁹

Pripravnički staž iz stava 1. ovog člana traje šest mjeseci. Za vrijeme pripravničkog staža, pripravnik se osposobljava za obavljanje poslova i zadataka policajaca kroz praktični rad.

Po isteku pripravničkog staža, a najkasnije u roku od šest mjeseci od završetka pripravničkog staža, pripravnik je dužan položiti stručni ispit. Pripravniku koji ne položi stručni ispit prestaje radni odnos u Ministarstvu.

IX - PRELAZNE I ZAVRŠNE ODREDBE

Član 77.

Ministar je ovlašten da donese bliže propise o:

- vršenju poslova i zadataka policije i drugih ovlaštenih službenih lica Ministarstva;
- upotrebi sredstva prinude i vatre nog oružja policije i drugih ovlaštenih službenih lica Ministarstva;
- legitimaciji ovlaštenih službenih lica Ministarstva (obrascu i sadržaju obrasca, postupak za izdavanje, roka važenja i načinu vođenja evidencije o legitimacijama ovlaštenih službenih lica);
- programu i načinu polaganja stručnog ispita i o troškovima u vezi sa polaganjem stručnog ispita u Ministarstvu;
- materijalnom poslovanju sa predmetima naoružanja i opreme u Ministarstvu; vremenu trajanja uniforme;
- činovima i zvanjima ovlaštenih službenika u Ministarstvu;
- naoružanju i opremi policije i drugih službenika Ministarstva;
- načinu postupanja u prostorijama Ministarstva, sa osobama lišenim slobode;
- donosi druge akte iz nadležnosti Ministarstva.

Član 78.

Pravilnik o unutrašnjoj organizaciji i sistematizaciji Ministarstva donijet će se u roku od 15 dana od dana stupanja na snagu ovog zakona. Propisi iz člana 79. ovog zakona donijet će se u roku od dva mjeseca od stupanja na snagu ovog zakona.

Do stupanja na snagu propisa iz stava 1. ovog člana i drugih propisa u oblasti unutrašnjih poslova iz nadležnosti Kantona shodno će se primjenjivati zatečeni propisi koji su bili na snazi na području kantona do dana stupanja na snagu ovog zakona.

Član 79.

U roku od 15 dana od dana stupanja na snagu ovog zakona, Skupština Kantona Sarajevo će imenovati Nezavisni odbor, a postavljenje policijskog komesara izvršit će se u roku od 30 dana od dana imenovanja Nezavisnog odbora.